

Na osnovu člana 15. stav (2) Pravilnika o dodjeli finansijskih sredstava za pomoć u rješavanju stambenih potreba branilaca i članova njihovih porodica u 2019. godini, broj: 15/1-05-009895-19 od 01.07.2019. godine i Odluke Ministarstva za boračka pitanja, broj: 15/1-05-009895-19 od 02.07.2019. godine, SLUŽBA NADLEŽNA BORAČKO - INVALIDSKE ZAŠTITE GRADA/OPĆINE LUKAVAČ, raspisuje

O G L A S

za podnošenje zahtjeva za dodjelu finansijskih sredstava za pomoć u rješavanju stambenih potreba branilaca i članova njihovih porodica u 2019. godini na području Tuzlanskog kantona u gradu/općini LUKAVAČ

I Korisnici prava

Pravo na dodjelu sredstava po Pravilniku o dodjeli finansijskih sredstava za pomoć u rješavanju stambenih potreba branilaca i članova njihovih porodica u 2019. godini (u daljem tekstu: Pravilnik) i ovom oglasu ima:

- lice iz člana 1. stav (1) Zakona o dopunskim pravima branitelja i članova njihovih obitelji, ("Službene novine Tuzlanskog kantona", br.: -prečišćeni tekst 5/12, 5/14 i 12/16, u daljem tekstu, Zakon),
- lice iz člana 4. Zakona i
- lice u statusu: djeteta porodice šehida - poginulog, umrlog i nestalog branioca (u daljem tekstu: PŠ-PB), supruga šehida - poginulog, umrlog i nestalog branioca supruga umrlog ratnog vojnog invalida (u daljem tekstu: RVI) i supruga umrlog demobilisanog branioca (u daljem tekstu: DB) sa malodobnim djetetom/djecom ili djetetom/djecom koja se nalaze na redovnom školovanju do navršanih 25. godina života, kod kojih dokaz o vlasništvu na zemljištu i građevinska dokumentacija glasi na branioca.

II Uslovi za ostvarivanje prava na dodjelu jednokratne pomoći

Pravo na jednokratnu pomoć lice može ostvariti pod uslovom da:

- a) ima stalno mjesto prebivališta na području Kantona,
- b) ostvaruje pravo iz oblasti branilačko invalidske zaštite na području Kantona,
- c) ukupni mjesečni prihodi po članu domaćinstva ne prelaze 25% prosječne neto plate ostvarene u predhodnoj godini na području F BiH, prema podacima Zavoda, izuzev lica koja su u statusa samca i ostvaruju pravo na minimalnu PIO penziju,
- d) posjeduje valjanu dokumentaciju propisanu ovim Pravilnikom za učešće u ovom postupku i
- e) rješava stambene potrebe na području Kantona.

III Ograničenje za ostvarivanje prava na dodjelu jednokratne pomoći

(1) Pravo na jednokratnu pomoć po Pravilniku i ovom oglasu nemaju slijedeći korisnici prava iz tačke I ovog Oglasa (u daljem tekstu: lice):

- a) čiji ukupni mjesečni prihodi po članu domaćinstva prelaze 25% prosječne neto plate ostvarene u predhodnoj godini na području Federacije Bosne i Hercegovine (u daljem tekstu: F BiH), prema podacima Zavoda za statistiku u Federaciji Bosne i Hercegovine (u daljem tekstu: Zavod), izuzev lica koja su u statusa samca i ostvaruju pravo na minimalnu PIO penziju ili
- b) koje je vlasnik/posjednik kuće (porodične stambene zgrade), stana ili takav stan ili zgradu koji zadovoljavaju stambene potrebe, posjeduje njihov član porodičnog domaćinstva ili
- c) koje je ranije ostvarilo pravo na pomoć u stambenom zbrinjavanju po ranijim programima i prethodno važećim pravilnicima, uredbama i odlukama ovoga Ministarstva u bilo kom iznosu ili
- d) koje je dobilo donaciju od općine ili kantona ili F BiH ili humanitarne organizacije u svrhu stambenog zbrinjavanja u prijeratnom ili sadašnjem mjestu prebivališta i sa istim riješio stambene potrebe ili
- e) vlasnik nedovršenog stambenog objekta čija je stambena površina veća za 50% stambene površine utvrđene članom 6. ovog Pravilnika.
- f) koje živi kod roditelja ili stanuje sa roditeljima i koristi stambeni prostor površine, veći od prostora utvrđenim članom 6. ovog Pravilnika i
- g) koje traže redovno investiciono održavanje objekta.

(1) Pod redovnim investicionim održavanjem objekta podrazumjeva se zamjena: stolarije, podova, sanitarnih elemenata, oluka i elektro i vodovodnih instalacija u objektu.

(2) Izuzetno od stava (1) ovoga člana tačka c) i d), pravo na novu jednokratnu pomoć po ovom Pravilniku ima lice, pod uslovom da je objekat devastiran, uništen ili oštećen usljed prirodnih nepogoda izazvanih katastrofama, odnosno ljudskim djelovanjem, a nakon ostvarivanja ranijeg prava na jednokratnu pomoć.

IV Namjena jednokratne pomoći

- (1) Finansijska sredstva za jednokratnu pomoć mogu se odobriti za:
- a) stambeni objekat (u daljem tekstu: objekat), kod kojeg je potrebno izvođenje građevinskih radova kojima se saniraju ili mijenjaju nosivi konstruktivni elementi,
 - b) novoizgrađeni objekat koji nije pokriven, a isto podrazumjeva objekat, pod pločom i bez krovne konstrukcije,
 - c) objekat sa urađenim grubim radovima, a isto podrazumjeva pokriven objekat bez ostalih unutrašnjih završnih i instalaterskih radova, kojima se neuseljivi dio objekta dovodi u funkciju sa minimalnim uslovima stanovanja,
 - d) priključak na električnu ili drugu komunalnu mrežu, uz prilaganje odgovarajućeg predračuna o visini potrebnih sredstava za navedene namjene, a isto podrazumjeva objekat kod kojeg nije izvršeno priključivanje na električnu ili drugu komunalnu mrežu,
 - e) naknadu učinjenih izdataka na objektu usljed štete nastale usljed prirodnih nepogoda ili ljudskog djelovanja, s tim da dokazi o izdacima potiču iz perioda nakon zaključenja oglasa iz prethodne godine, a najkasnije do zaključivanja oglasa iz člana 13. ovog Pravilnika i
 - f) troškove plaćanja nedostajućih sredstava za izdavanje rješenja o odobrenju za građenje, odnosno rješenje o naknadnom odobrenju za građenje za bespravno izgrađene građevine.
- (2) Pod nosivim konstruktivnim elementima iz stava (1) tačka a) ovog člana podrazumjevaju se: temelji, nosivi zidovi, međuspratna konstrukcija, grede, stubovi i krov objekta.
- (3) Pod minimalnim uslovima stanovanja u smislu stava (1) ovog člana tačka c) ovog člana smatra se prostor koji obezbeđuje uslove za življenje i boravak u njemu, odnosno minimalno jednu sobu, kuhinju i kupatilo.
- (4) Troškovi plaćanja nedostajućih sredstava za izdavanje rješenja o odobrenju za građenje, odnosno rješenje o naknadnom odobrenju za građenje, u smislu tačke f) iz stava (1) ovog člana, podrazumjeva plaćanje navedenih troškova, putem poslovne banke, nadležnoj općinskoj službi, a radi dobijanja navedenog rješenja.

V Visina jednokratne pomoći

Iznos sredstava koji se može odobriti, u direktnoj je vezi sa članom 20. stav (3) ovog Pravilnika i odobrava se najviše do 5.000,00 KM (slovima: pethiljada KM), odnosno do iznosa učinjenih izdataka iz člana 3. stav (1) tačka e) ovog Pravilnika i troškova iz tačke f) ali ne preko utvrđenog maksimalnog iznosa od 5.000,00 KM.

VI Ugovor

- (1) Na osnovu konačne rang liste Ministarstvo zaključuje ugovor sa licem kojem su odobrena sredstva.
- (2) Sredstva odobrena za jednokratnu pomoć licu se mogu isplatiti tek kada potpiše ugovor kojim se obavezuje da će ista utrošiti namjenski za stambeno zbrinjavanje prema podnesenom zahtjevu i u skladu sa sačinjenim zapisnikom lica građevinske struke.
- (3) U slučaju smrti lica nakon zatvaranja oglasa, odobrena sredstva se mogu isplatiti članovima porodičnog domaćinstva iz člana 10. stav (3) Pravilnika, nakon provedenog ostavinskog postupka.
- (4) Lice koje najkasnije u roku od 30 dana od dana isticanja liste iz stav (1) ovog člana ne potpiše ugovor, smatra se da je odustao od sredstava za jednokratnu pomoć i gubi pravo na realizaciju sredstava, izuzev u slučaju kada iz opravdanih razloga nije u mogućnosti potpisati ugovor o čemu dostavlja dokaz.

VII Način isplate jednokratne pomoći

- (1) Sredstva odobrena za jednokratnu pomoć za situacije tačke IV ovog oglasa podtačke a), b) i c) , poslovna banka isplaćuje licu u dvije rate.
- (2) Prva rata licu se isplaćuje odmah na način da se 50% odobrenih sredstava realizuje plaćanjem (pro) faktura za trebovani građevinski materijal.
- (3) Preostalih 50% odobrenih sredstava isplaćuje se gotovinski u dvije podrate, od čega ½ odmah, a druga ½ isključivo na osnovu zapisnika o utvrđenom namjenskom utrošku prethodno doznačenih sredstava sačinjenog od Službe.
- (4) Sredstva odobrena za jednokratnu pomoć za situacije tačke IV ovog oglasa podtačke d) poslovna banka uplaćuje na račun pravnog subjekta prema priloženom predračunu.
- (5) Sredstva odobrena za jednokratnu pomoć za situacije tačke IV ovog oglasa podtačka e) poslovna banka uplaćuje na račun lica.

(6) Sredstva odobrena za jednokratnu pomoć za situacije tačke IV ovog oglasa f) poslovna banka uplaćuje na račun pravnog subjekta o visini nedostajućih sredstava za izdavanje navedenog rješenja.

VIII POPIS POTREBNE DOKUMENTACIJE

Dokazna sredstva ne mogu biti starija od šest mjeseci do momenta raspisivanja ovog javnog oglasa, a ista se prilažu u originalu ili ovjerenoj fotokopiji.

PRILOG

**Popis potrebne dokumentacije
uz zahtjev za dodjelu finansijskih sredstva za pomoć u rješavanju stambenih potreba branitelja i članova njihove porodice**

I OPŠTA DOKUMENTACIJA

Redni broj:	Naziv dokumenta	Organ koji izdaje dokument	Ko pribavlja dokumentaciju
1.	Zahtjev za dodjelu finansijskih sredstava za pomoć u rješavanju stambenih potreba branilaca i članova njihovih porodica	Ministarstvo za boračka pitanja TK	Podnosilac zahtjeva
2.	kućna lista podnosioca zahtjeva u kojoj su navedeni članovi uže porodice (član uže porodice je: bračni partner, vanbračni partner, djeca rođena u braku i van braka, usvojena djeca i pastorčad na redovnom školovanju, a najkasnije do navršene 25-te godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15-te godine života, odnosno, 25-te godine ukoliko se nalazilo na redovnom školovanju), (original ili ovjerena fotokopija).	Gradska/Općinska služba za opću upravu i društvene djelatnosti	Podnosilac zahtjeva
3.	a) za članove PŠ-PB kopija prvostepenog ili revizionog rješenja (posljednje rješenje na snazi), b) za RVI kopija prvostepenog ili revizionog rješenja (posljednje rješenje na snazi), c) za dobitnika ratnog priznanja i odlikovanja ukoliko nema status člana porodice šehida, poginulog, umrlog i nestalog branitelja ili RVI ovjerena fotokopija rješenja o ostvarivanju prava na mjesečni novčani dodatak, d) za DB dokaz o pripadnosti branilačkoj populaciji - uvjerenje koje izdaje nadležni organ odbrane, (dokumenti pod a), b) ili c) moraju biti dostavljeni kao original ili ovjerena fotokopija).	Gradska/Općinska služba za boračko invalidsku zaštitu (tačke a), b) i c) Grupa za vojna pitanja	Gradska/Općinska služba nadležna za boračko invalidsku zaštitu Podnosilac zahtjeva
4.	dokaz o zaposlenju svih članova uže porodice i visini stalnih izvora prihoda, a isto podrazumjeva: a) posljednja platna lista ovjerene potpisom i pečatom poslodavca ili uvjerenje poslodavca o visini posljednje plate (original ili ovjerena fotokopija), ili b) za lica koja imaju registrovanu samostalnu djelatnost: 1. obrazac 2002 o plaćenim doprinosima, za posljednja tri mjeseca i 2. GPD i SPR obrasci godišnje prijave. (original ili ovjerena fotokopija), ili c) ček od PIO penzije	Organ /ustanova/preduzeće gdje je lice zaposleno ili Poslovnica PIO /MIO	Podnosilac zahtjeva

5.	uvjerenje službe za zapošljavanje za sve nezaposlene članove uže porodice, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove uže porodice kao dokaz o statusu nezaposlenosti, (original ili ovjerena fotokopija)	Služba za zapošljavanje ili Porezna uprava FBiH Ispostave porezne uprave	Podnosilac zahtjeva
6.	uvjerenje iz ispostave porezne uprave za podnosioca zahtjeva i punoljetne članove uže porodice o dodatnim primanjima <i>(original ili ovjerena fotokopija)</i> ,	Porezna uprava FBiH Ispostave porezne uprave	Podnosilac zahtjeva
7.	uvjerenje o redovnom školovanju djece u srednjeobrazovnim i visokoobrazovnim ustanovama <i>(original ili ovjerena fotokopija)</i> ,	Javne srednjeobrazovne i visokoobrazovne ustanove	Podnosilac zahtjeva
8.	dokaz o zdravstvenom stanju podnosioca zahtjeva ili člana uže porodice izdat od strane ovlaštene zdravstvene ustanove, ne stariji od šest mjeseci <i>(original ili ovjerena fotokopija)</i> , samo za sledeća oboljenja: a) respiratorne bolesti: bolesti pluća praćene trajnim oštećenjem respiratorne funkcije (sa vrijednostima FVC, FEV1 i FEV1- FVC ispod 40%); apsces pluća i medij astinuma, pitorax i respiratorni distress sindrom; b) bolesti koštano - mišićnog sistema i vezivnog tkiva: direktna infekcija zglobova kod infektivnih i parazitnih oboljenja, seropozitivni reumativni aritis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); c) neuromišićne bolesti: progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis; d) specifična stanja koja zahtijevaju skupi i doživotni tretman: transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman, e) ostala oboljenja: infarkt (srčani ili moždani) i maligni tumori) f) kao i stanja poslije drugih operativnih zahvata, a koja zahtijevaju duže bolničko liječenje, rehabilitaciju i intenzivni medikamentozni tretman, najkasnije u roku od tri godine nakon operativnog zahvata	JZU UKC ili druge zdravstvene ustanove	Podnosilac zahtjeva
9.	dokaz da je održana ostavinska rasprava iza poginulog, umrlog ili nestalog branitelja ili dokumenti iz tačke 6. ovoga priloga (original ili ovjerena fotokopija) ,	Općinski/ kantonalni sud	Podnosilac zahtjeva
10.	izjava ovjerena u nadležnoj općinskoj službi ili kod notara da podnosilac zahtjeva i svi članovi uže porodice nisu vlasnici niti suvlasnici drugih nekretnina (kuća/stan) na području BiH, izuzev one za koju je podnjet zahtjev za	Gradska/Općinska služba za opću upravu i društvene djelatnosti	Podnosilac zahtjeva

dodjelu jednokratne pomoći			
11.	Za samce: 1. Izvod iz matične knjige rođenih i 2. Izjava o postojanju/nepostojanju vanbračne zajednice <i>(original ili ovjerena fotokopija),</i>	Gradska /Općinska služba za opću upravu i društvene djelatnosti	Podnosilac zahtjeva
12.	uvjerenja o posjedovanju/neposjedovanju kuće za punoljetne članove uže porodice (original ili ovjerena fotokopija),	Gradska/Općinska Služba za geodetske i imovinsko pravne poslove	Gradska/Općinska služba nadležna za boračko invalidsku zaštitu

Lice je obavezno pored opšte dokumentacije iz tačke I priložiti i posebnu dokumentaciju neophodnu za odlučivanje, zavisno od vrste zahtjeva:

II POSEBNA DOKUMENTACIJA

Redni broj:	Način stambenog zbrinjavanja	Naziv dokumenta	Organ koji izdaje dokument
a)	stambeni objekat kod kojeg je potrebno izvođenje građevinskih radova kojima se saniraju ili mijenjaju nosivi konstruktivni elementi	1. kopija katastarskog plana, 2. posjedovni list i (oba dokumenta kumulativno pod uslovom da isti glase na podnosioca zahtjeva ili člana porodice)	Gradska/Općinska služba za geodetske i imovinsko pravne poslove
b)	novozgrađeni objekat koji nije pokriven, a isto podrazumjeva objekat, pod pločom i bez krovne konstrukcije	1. kopija katastarskog plana, 2. posjedovni list i (oba dokumenta kumulativno pod uslovom da isti glase na podnosioca zahtjeva ili člana porodice) ili rješenje o odobrenju za građenje /urbanističkoj saglasnosti ili rješenje o naknadnom odobrenju za građenje /urbanističkoj saglasnosti	Gradska/Općinska služba za geodetske i imovinsko pravne poslove ili Gradska/Općinska služba za urbanizam i građevinarstvo
c)	objekat sa urađenim grubim radovima	1. kopija katastarskog plana, 2. posjedovni list i (oba dokumenta kumulativno pod uslovom da isti glase na podnosioca zahtjeva ili člana porodice) ili rješenje o odobrenju za građenje /urbanističkoj saglasnosti ili rješenje o naknadnom odobrenju za građenje /urbanističkoj saglasnosti	Gradska/Općinska služba za geodetske i imovinsko pravne poslove ili Gradska/Općinska služba za urbanizam i građevinarstvo
d)	priključak na električnu ili drugu komunalnu mrežu,	predračun / račun za priključenje na električnu ili komunalnu mrežu,	JP koje vrši priključak
e)	naknada učinjenih izdataka na objektu usljed štete nastale usljed prirodnih nepogoda ili ljudskog djelovanja	fiskalni računi ili drugi dokaz kojim se dokazuje kupovina materijala	Pravni subjekt kod kojeg je izvršena kupovina materijala
f)	troškove plaćanja nedostajućih sredstava za izdavanje rješenja o odobrenju za građenje, odnosno rješenje o naknadnom odobrenju za građenje za bespravno izgrađene građevine	dokaz o visini nedostajućih sredstava za izdavanje rješenja o odobrenju za građenje, odnosno rješenje o naknadnom odobrenju za građenje za bespravno izgrađene građevine	Gradska/Općinska služba za urbanizam i građevinarstvo

IX Rok za podnošenje zahtjeva:

Zahtjev za dodjelu finansijskih sredstava za pomoć u rješavanju stambenih potreba socijalno ugoženih branitelja i članova njihove porodice po ovom oglasu za 2019. godinu, podnosi se gradskoj/općinskoj službi nadležnoj za boračko - invalidsku zaštitu.

Zahtjev se podnosi u periodu od 08.07.2019. godine, a zaključno sa 23.07.2019. godine,

neposredno ili na adresu:

Služba boračko - invalidske zaštite grada/općine LUKAVAČ,
ul. TRG SLOBODE br. 1, sa naznakom
(Obrazac zahtjeva se nalazi u Službi, soba broj) ŠALTER SALA

NEPOTPUNE I NEBLAGOVREMENE PRIJAVE NEĆE SE RAZMATRATI.